

Ponemento promer piedra tercer fase Holiday Inn Beach Resort

ORANJESTAD(AAN) — Diarazon, 3 di Februari pa 430 di atardi lo tuma lugar e ceremonia di ponemento di promer piedra pa e tercer fase di Holiday Inn Beach Resort & Casino

Aruba. E tercer fase aki ta consisti di 210 camber y ta haci cu Holiday Inn & Casino Aruba, cu su 610 cambernan, lo ta e hotel mas grandi di e isla. E hotel

luhoso aki tin casino, tiendan y un seleccion di diferente restaurant pa cumpli cu e diferente gusto di turistanan.

Durante un fase di construccion cu ta den man di

Bouwmijs Aruba, lo tin un cantidad di persona cu ta worde emplea.

Ora cu e construccion ta cla, Holiday Inn Beach Resort & Casino Aruba lo tin emplea, mas cu 600 hende, tanto directamente como indirectamente.

Aruba Real Estate N.V., cu ta doño di e edificio a caba di firma un contrato nobo cu Holiday Inn Internacional, pa 10 aña y dos opcion di cada uno 10 aña. Esaki ta nifica cu e prestigioso cadena hotelera, cu a cuminsa na 1970 na Aruba, lo ta aki pa basta aña mas.

Construccion di e 210 cambernan aki ta demos-

tra e confiansa grandi cu tanto Aruba Real Estate N.V. como Holiday Inn Internacional tin den e futuro desaroy di Aruba como destinacion turistico grandi den Caribe.

E masterplan di Aruba Real Estate N.V. ta pa yega na un hotel di total 800 camber cu un centro di convencion, un complex di tennis cu ta consisti di 8 cancha, di cual 6 actualmente ta bao di construccion. Un di e canchanan ta cumpli cu reglanan internacional pa un cancha di competencia.

Esaki ta nifica cu e we-

Sigui lesa pag. 16



Den curso di siman pasa un compania Hulandes cu a inscribi pa drechamento di e grua di container ariba nan propio iniciativa a cuminsa pa coba y yena y drecha esaki. Manera ta conoci cu bastante placa a costa Aruba pa por tin su grua di container y esaki a trece basta problema cune ya cu lamar a coba drenta bao di e plataforma cu a ser construi cu consecuencia cu esaki a zak. Ta spera cu awor cu e construccionnan ta worde haci cu e lo worde drecha bon ya cu ta basta placa ta envolvi den e grua di container aki.

Spantenbier na cas di pueblo nobo den Village



Diaviera ultimo Ministro Drs. F.A.J. Booi, encarga cu e Ministerio di Obras Publico a efectua e acto ceremonial di "Spantenbier" na un di e 36 casnan di pueblo nobo den construccion na San Nicolas den St. Maartenstraat, Village. Ta asina cu e proyecto ariba menciona ta consisti di un total di 252 cas, cual nan ta ser construi di e siguiente forma. Un total di 236 a keda na encargo di e contratista Bohama N.V. pa un suma total di fls. 1.472.000,- (1 Mion 472 Mil Florin Arubano) y segun stipula den e contracto lo nan mester ser entrega pa fin di Juni 1988. Siman pasa a inicia cu construccion di e 16 casnan di pueblo, cu ta costa 900 Mil Florin y mester ser entrega pa fin di Augustus 1988. "Rilac Corporation" a keda encarga cu instalacion di e sistema di riool na e casnan den construccion pa un suma di fls. 718.000,- y mester termina e trabao necesario pa luna di Mei 1988. Segun señor Peter von Popel, di Projectbureau Renovatie Village y Essoheights, henter un infraestructura nobo lo ser realisa pa loque ta concerni construccion di carteranan, instalacion di electricidad, tuberia y sistema di riool den e superficie di 1600m segun fase pa realisacion di e proyecto pa mehora e ambiente habita den Village. Presente na e acto ceremonial ariba menciona tabata entre otro señores D. de Gooijer, representante di Hulanda na Aruba, Jan van Eck, di DOW, Peter von Popel di Projectbureau, Juhior de Kort, representando A.Bo y Patricia Arends, asistente di señor de Gooijer.

Kasteel di Concorde pa mucha

ORANJESTAD(AAN) — E atraccion mas nobo ta na Aruba Concorde Ho-

tel & Casino. E Concorde Castle aki ta special pa muchanan hunga y pasa atardinan contento.

Mama y papa y tur cu ta sinti nan jong di curason tambe por goza y disfruta.

By cu e muchanan y pasa pret den e Concorde Castle, pero no lutida di trece e spaarpot.

Horario lo ta tur dia di 11'or a.m. te cu 6 or p.m. y e bar lo ta bon surti na smaak di tur.

E kasteel di Concorde pa mucha ta patras di e Kadushi Coffee Shop, banda di e pool chiquito.

PRO FASHION

The Mainstreet Fashion House

CARNAVAL SPECIAL

T-SHIRT 20,--

CAMISA

CARSON

JEANS

SWEATERS

JACKETS

BRIL DI SOLO

1/2 PRICE

Febr. 2 - 13

